



Kon pa introdusí bo mes ora bo yega na un kas di famia durante Enkuesta Sosial.

Bon dia mi nòmber ta **Jacinta Martina** mi ta un ekuestadó di **Ofisina Sentral di Statistik, CBS.** (mustra badge).

Mi a bini pa hasi sra/sr i sra/sr su famia algun pregunta riba diferente tema importante pa desaroyo di nos komunidad bou di e nòmber **Enkuesta Sosial 2026.**

Splika meta di Enkuesta Sosial 2026:

Meta

Meta di **Enkuesta Sosial** ta pa kolektá informashon aktual riba 4 tema : labor, bibienda, kalamidat i salubridat pa asina por **krea òf aktualisá maneho** i tambe **leinan**. Tambe ku e informashon kolektá nos por komprondé mas mihó kon nos ta biba, partisipá, i sinti nos mes den nos komunidad.

Grupo di enfoke

Tur hende ku ta forma parti di e kas di famia.

Petishon pa partisipashon

Señora/ Señor tin tempu awor aki pa nos hasi e entrevista?

- Si e respuesta ta “sí” : Por kuminsá e proseso di entrevista.
- Si e respuesta ta “nò” : Ta bolbe splika e importansia pa partisipá na Enkuesta Sosial (chèk metanan ariba menshoná).
- Si e respuesta ainda ta “nò” : Nos por traha un sita pa un otro momentu / dia?
 - a. Si e respuesta aki ta “sí” : Traha sita ku e respondente
 - b. Si e respuesta aki tambe ta “nò” : I si no ta mira posibilidat pa konvensé e respondente, ta registrá e unidat doméstiko ku e respondente ta pertenesé na dje komo un persona ku konsientemente no ke partisipá na Enkuesta Sosial 2026 (Harde weigering).

Splikashon meta di CBS

Si e respondente puntra pa splika e kiko Ofisina Sentral di Statistik ta hasi. Ta splika esaki;

Ofisina Sentral di Statistik (CBS) ta Informá komunidat riba e situashon demográfiko i sosial ekonómiko di Kòrsou pa medio di informashon estadístiko

Den kaso di deskonfiansa pa ku enkuestadó

Si e respondente ta duda ku e enkuestadó ta enberdat un enkuestadó di CBS;

- Enkuestadó ta mostra su badge pa laga mira su portrèt, nòmber i fam.
- Seguidamente enkuestadó ta pidi e respondente pa skèn e Qr code riba e badge pa asina por konfirmá ku enkuestadó ta forma parti di e team di CBS.
- Den kaso ku ta difísil pa e persona skèn e QR code por pidi e persona pa yama CBS na 7241802/5202227 pa por konfirmá ku enkuestadó ta forma parti di e team di CBS.

Den kaso ku respondente puntra tokante anonimidad

Si e ‘respondente’ hasi e pregunta tokante anonomidat di partisipashon;

Enkuestadó ta menshoná Artikulo 5 di Lei di Statistik (PB 2011, nr 19)

[Statistical Act 2011 nr. 19 \(Statistieklandsverordening PB, 2011 nr.19\) | Central Bureau of Statistics Curaçao \(cbs.cw\)](#)

Final di entrevista

Masha danki, Sra./Sr., pa bo kooperashon. Nos ta apresia esaki hopi.

Resultadonan di Enkuesta Sosial 2026 lo wòrdu publiká den medionan di prensa i tambe riba nos website: www.cbs.cw.